



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

3 Quid ingratitudo, & quale peccatum.

[urn:nbn:de:hbz:466:1-72459](#)

enim à summo malo est instar summi boni. Itaque hac ratione tenetur absolute ad maiorem gratiarum actionem. Deinde quia dona, quæ peccatori dantur, magis gratis dantur: gratis enim datur, quod absque meritum datur. quo ergo quis longius absit à merito, & ab omni dignitate, qua possit videri dignus munere; è magis gratis ei datur: peccator autem longissime absit ab omni dignitate, qua dignus sit venia & amicitia Dei; ergo hac ex parte summu est illius beneficium, & consequenter summa & humillima debet gratiarum actionem. Vnde etiam in compensatione huius beneficij tenetur ad humilia obsequia, & maiorem sui demissionem, quam innocens. Beneficium enim, qua parte datur magis indigno, compensatur maximè demissione sui, confessione sue indignitatis, & obsequiis humiliis: sicut qua parte est excellentius, compensatur maximè estimatione, laude, prædicatione illius boni, & datoris, & obsequiis maioribus.

12 Illa autem distinctio Caietani inter *magis obligari ad gratiarum actionem, & obligari ad maiorem actionem gratiarum*; cùm ait, pœnitentem magis obligari ad gratiarum actionem quam innocentem, hunc tamen obligari ad maiorem gratiarum actionem; neque rem explicat, neque vera est: nam pœnitentem etiam ad maiorem actionem gratiarum tenetur, quatenus debet confiteri sibi maiorem gratiam factam, magisque gratis donatum, & beneficia accepta respectu sui esse maiora. Deinde sicut obligatio crescit ex magnitudine gratiae, ita etiam ex magnitudine boni collati: ergo qui obligatur ad maiorem gratiarum actionem, ceteris paribus etiam magis obligatur.

13 Ex dictis colligi potest quomodo *gratitudo in Deum* sit excitanda.

Quomodo gratitudo in Deum sit excitanda. Primo enim consideranda sunt ipsius dona in seipsis, quam magna, quam varia, quam innumerabilia, siue quæ ad animam, siue quæ ad corpus pertinent. corporalia enim omnia facta sunt propter hominem, vt ab illis obsequiu, commodum, oblationem & auxilium aliquid ad salutem caperet; vt sol, luna, sidera, caeli ipsi, & motus eorum, elementa, & omnia quæ in eis & ex eis: de quibus vide Senecam lib. 4. de Beneficiis c. 5. & 6. Spiritales quoque substantiae ad eius ministerium deputatae: *omnes enim sunt administratori spiritus, in ministerium missi propter eos, qui hereditatem capiunt salutis;* ad Heb. 1. Itaque omnes creaturæ vel conditæ propter hominem, vel benignitate conditoris seruunt homini, vt eum dirigant ad salutem; & hæc omnia externa sunt. Iam interna omnem estimationem superant: præter enim integratem corporis, & sensuum, quorum nullum vel cum regno amplissimo commutare velis, dedit animam immortalem & inextinguibilem, capacem vitæ æternæ: dedit vim intelligenti, qua totum mundum & ipsum Deum pulcherrimè in te depingas; & vim amandi, qua omnes virtutes atque adeo Dei amicitiam, omnis boni supernaturalis fontem, consequaris. Ad gloriam suæ consortium te supra naturæ conditionem destinauit, in filium adoptauit, spiritus sui participem fecit; media salutis obtainenda faciliter contulit, assidue sua benignitate ad bonum excitat ac iuuat, & à malis innumeris protegit. visionem sui, qua ipsi planè similes veluti quidam dij, diuinitate fulgentes, euadamus, promittit, & omnium bonorum suorum fruitionem. Adhac ia-

centem in peccatis, & reū æternæ mortis, gratia sua excitauit & erexit, peccata condonauit, iustitiam & ius vita beatæ restituit. hoc autem beneficium remissionis peccatorum tantum est, quantum malum est mors æterna. Confituit præterea thesaurum meritorum suorum veluti fontem gratiarum perennem, quo à peccatis, quotiescumque opus fuerit, ablui possumus, Sacramentis inclusum. Deinde, quod omnem vincit admiratione, reliquit nobis sanctissimum Eucharistia Sacramentum, corpus & sanguinem ipsius, cum anima doribusque eius omnibus, cum unitone hypostatica & diuinitate perfectè continens, & nobis representans ac re ipsa exhibens. Hæc si quis attente consideret & expendat, abyssum beneficiorum inueniet.

Secundò, Considerandum est, hæc omnia præstata indignis, ingratis, & supplicio dignis.

Tertio, Consideranda maiestas & sublimitas Dei conferentis: quod enim maior est qui beneficium confert, è pluris estimatur beneficium, amari enim & estimari à magnis, magnum per se est beneficium.

Quartò, Considerandus modus, quo Deus hæc præstuit, quam extraordinariis viis, quantis difficultatibus & laboribus: ideò enim temetipsum extinxerit & factus est homo; ideò tot labores, tot asperites, tot probra, tot supplicia, & mortem denique crucis sustinuit; hoc enim mirificè auger beneficij rationem. magnum est beneficium, si rex maleficio ad mortem damnato benignè condoneret, & illum pristinæ dignitati restituat, sed incompatibiliter maius erit, si dum aliud remedium liberandi non suppetat, iubeat filium suum è folio descendere, vestibus regiis spoliari, & morte plectri, ut ille liberetur.

Quinto, Considerandus affectus, quo Deus omnia beneficia sua nobis contulit, nimur, non vt ipsi inde sit melius, sed vt nobis sit quam optimè, & per ea ad beatitudinem suæ communionem aptet & disponat. vide Albertum de Virtutibus cap. 25. & nostrum Roffignolium lib. 4. disciplinae Christianæ c. 25. ubi sententias quasdam sanctorum Patrum de gratitudine adducit.

Ex his diligenter perpenitus intelliger homo, infinita quadam obligatione & immenso debito se obstringi Deo rum ad perpetuam & humillimam gratiarum actionem, tum ad vitam suam diuino obsequio penitus consecrandam, & honorem ipsius omni industria promouendum. et si enim tantum laborauerit pro gloria Dei, quantum Apostolus Paulus, nondum tamen millesima diuinorum beneficiorum partem exequauerit.

Aduertere tamen, hoc debitum ad ista omnia praestanda non esse legale, seu strictum; nouerat enim Deus imbecilitatem & vanitatem sensus nostri, ideoque noluit imperare, et si iustissime potuisse, sed est debitum morale, seu decentia: hoc enim perfecta ratio gratitudinis postulat; ita vt sine eo praestite non possumus, nisi imperfectè, grati audire.

D V B I T A T I O III.

Quid ingratitudo, & quale peccatum.

D. Thomas quæst. 107.

Dupliciter admittitur *ingratitudo*, formaliter & materialiter: hæc enim distinctio non solum in inobedientia, sed etiam in sacrilegio, impia-

15

*Formalis
ingratitu-
do.*

pietate, in obseruancia, & similibus vitiis, in quibus contra virtutem oppositam peccati ex contemptu & alio fine contingit, locum habet.

Formalis ingratitudo est, quando beneficium, vel benefactoris animus contemnitur, vt non videaris ei obnoxius, seu debitor ratione beneficij: sicut formalis inobedientia est, quando contemnitur praeceptum, vel potestas Superioris; vt ei non videaris subesse, aut non parcas. hoc modo ingrati sunt, qui beneficium, vel affectum benefactoris eleuant, aut sinistrè interpretantur, ne videantur ei aliquid debere, aut ne cogantur esse gratiagendo gratias; aut ne impedianter à malo ei rependendo. Iuxta hanc intellige quod habet D. Thomas art. 2. ad 1. & Caietano ibidem, & in Summa v. Ingratitudo: non enim satis explicant in quo hanc ingratitudo consistat.

*Potest esse
veniale
aliunde.*

16 *Hac* ingratitudo ex genere suo est peccatum mortale, vt docet D. Thomas art. 3. cum Caietano suprà: contemptus enim benevoli affectus benefactoris, & sinistra interpretatio beneficij non videtur minus peccarum, quam iudicium temerarium, cùm tale iudicium inuoluatur: iudicari enim affectum esse simulatum, vel alio quam beneficio animo rem dari. hoc autem iudicium ex genere suo est peccatum mortale, vt constat ex communione D. sententia; de quo suprà cap. 29. dubit. 2. Accedit, quod homines longè magis offendunt huiusmodi contemptu, quam iudicicio temerario; vnde magis laedit charitatem. potest tamen esse veniale, vel ob imperfectum conuenientem, vt quando ex repente cholera mori accidit; vel ob materia exiguitatem, vt si beneficium sit paruum; contemptus enim parui beneficij non censetur notabilis iniuria benefactoris, modò absit scandalum. si enim ita fieret vt benefactor grauerit offenderetur, posset esse peccatum mortale. Adde, quod varij sint gradus contemptus: contemnitur enim aliquid tamquam noxiū, aliud vt vile & dignum probro, aliud tamquam minus vtile vel dignum quam exteriū videatur, vel gradus eius requirat. In omni autem contemptu est iudicium, quo res vel persona iudicatur talis, & voluntas tractandi illam exteriū vel interiū pro tali. Itaque si contemptus non sit grauius, sed leuis; vt si beneficium aliquod temporale & affectum benefactoris reputes minoris momenti, ne illi videaris obnoxius, non erit peccatum mortale; modò occasionem grauius offendens ipsi non praebas:

Materialis ingratitudo est, quando abque contempsu, vel omittitur debitum gratitudinis officium, vel committitur aliquid contra benefactorem. colligitur ex D. Thoma art. 3. & Caietano ibidem. Officium autem gratitudinis est quintuplices, vt suprà num. 3. & 6. dictum est. D. Thomas art. 2. reducit ad tria. Primum est. Beneficium agnoscere. Secundum, Laudare, & gratias agere. Tertium, Retribuere loco & tempore, pro sua facultate. Itaque tripliciter officium gratitudinis prætermittitur: & quia id, quod est ultimum in generatione, est primum in resolutione, idèo (inquit D. Thomas) Primus gradus ingratitudinis est, Beneficium non retribuere. Secundus, Diffimulare, non agendo gratias. Tertius, Nolle agnoscere. Circa qua

*Tripli-
citer
officium
grati-
tudinis
præter-
mit-
tur.*

17 *Aduerte*, non retribuere beneficium, non esse peccatum, nisi quando benefactor est in necessitate, & tu illi opem ferre potes; vel quando ex omis-

sione putatur iure offendendus. beneficium enim cùm gratis collatum sit, non inducit strictam obligationem, nisi quando benefactor egat opera nostra, vel id necessarium est ad vitandam eius offendit. vnde non erit peccatum mortiferum, nisi quando charitas sub peccato mortaliter ad tale officium obligaret. In gratiarum actione omitienda faciliter peccatur; quia hanc omnibus est facilis, & statim fieri debet. seposita tamen offendit benefactoris, non videtur hanc omissione esse peccatum mortale; quia nihil inde notabilis incommodi percipit. Loquor de ea, quæ facienda homini, non Deo, est enim gratiarum actio cultus quidam Deo ob immensitatem beneficiorum eius debitus, quamvis tempus reddendi non sit determinatum; vnde de ea loquendum sicut de obligatione dilectionis super omnia.

19 *Nolle agnoscere* beneficium hominis priuati (de quo nobis est sermo) non videtur quoque per se mortale: quia parum incommodi adserit benefactori, seposita ipsius offendit. posset tamen ratione grauius offendit & turbationis, quæ inde prouentura putaretur, esse graue peccatum.

Porro ad supradictos tres gradus ingratitudinis, quæ in omitendo constitunt, addendi tres alii, qui in committendo. Itaque Quartus est, Retribuere mala pro bonis. Quintus, Vituperare beneficium. Sextus, Reputare beneficium loco maleficij; qui est summus ingratitudinis gradus. hi ramen gradus, præsertim secundus & tertius, pertinent ad ingratitudinem formalem.

Ex dictis facile intelligi potest, qui sint gradus ingratitudinis erga Deum.

Primus enim est, Non conati obsequio & cultu diuina beneficia pro suo modulo compensare.

*Tres in
commissio-
nibus.*

Secundus, Raro vel numquam gratias agere.

*Sex grā-
dus ingra-
titudinis in
Deum.*

Tertius, Raro vel numquam de diuinis beneficiis cogitare.

Quartus est, Malum pro bono reddere. Ad hunc gradum pertinet omne peccatum. vnde omne peccatum est ingratitudo in Deum, sicut & inobedientia: repugnat enim obligationi illi, quæ ratione beneficiorum acceptorum ipsi obstringimur, ad ea cauenda, quæ ipsum offendunt.

Quintus est, Extenuare, negare vel vituperare beneficia Dei, huc pertinet, si neges beneficium redēptionis Christi & gratiæ necessitatem. quæ ratione Pelagiani à sanctis Patribus vocabantur ingratitudo; contra quos D. Prosper scripsit opusculum Aduersus ingratitudo.

Sextus, Illa loco maleficij & stimare: quod faciunt dannati; & etiam quidam impij huius saeculi, qui non reputant loco beneficij, sed potius maleficij, quod Deus non sinit ipsos perpetuō hoc mundo frui.

DUBITATIO IV.

Quid sit vindicatio, & cuius virtutis opus.

D. Thom. quest. 108.

V Indicatio, Græcè ἐδίκησις, est ictus iniuria, 21 videlicet cùm pro iniuria rependitur pœna. Itaque est redditio mali pro malo; mali pœnalis pro malo culpabili. Latius accipitur apud D. Augustinum lib. 8. qq. q. 31. cùm definitur vindictatio.

M m